



UNIVERSITÄTS-
BIBLIOTHEK
PADERBORN

Universitätsbibliothek Paderborn

Synopsis Magnalium Divi Josephi

Ignatius <a Sancto Francisco>

Leodii, 1684

Cap. 15. Amplius veritas hujus singularis Paternitatis examinatur & illustratur per illius ad alias Paternitates stricti juris comparationem.

urn:nbn:de:hbz:466:1-38500

*S*ed illud non appellatio, inquit, natura tribuit: nam & nos crebro Patres nuncupamus, non quidem genitores, verum senio conspicuos: Porro ipse Ioseph natura appellationem indidit, honoremq[ue] tempus tribuit, hocque paulo post nostros sic illustrat exemplo. Possim autem etiam contra ostendere Patrem qui non genererit: Palmarum mares qui dicuntur, dum obumbrant feminis fructuosas illas efficiunt, cum tamen neque illis miscantur, neque ullam ipsi substantiam prebeant & sicutnearum quoque nonnulla fructum non ferunt, nisi ramis maribus obumbrantur. Quemadmodum igitur ista quamvis non generent Patres appellantur, ita & Ioseph Pater est dictus, licet maritus Virginis non esset: scilicet ut interpretatur Vossius supradictus quoad maritalem thalamum: paterque ex verbis & scopo ac intento Sancti Ephrem.

CAPUT XV.

*A*mplius veritas hujus singularis Paternitatis examinatur & illustratur per illius ad alias Paternitates stricti juris comparationem.

I. *M*issis puternitatibus per adoptionem & educationem, quatuor alias invenio in Scripturâ Paternitates, quas stricti juris appello. Prima est Paternitas naturalis & non carnalis: Secunda, naturalis & non carnalis: Tertia, carnalis & naturalis simul: Quarta, nec carnalis nec naturalis, sed legalis ex lege Deuteronomii cap. 25. Singularum exempla accipe. Pater Aeternus in Divinis est pater naturalis Verbi Incarnati: quia Verbum naturaliter ex paterni fecunditate intellectus procedit: non est carnalis, quia ibi nihil carnis. Divus Joachim è contra Pater Beatisimæ Virginis, est Pater ejusdem Verbi Incarnati carnalis mediatae, quia ex ejus carne propagatus est: non tamen naturalis, quia non viâ naturali & ordinariâ ex Virgine Joachimi filia processit, sed supernaturali & divinâ. Tertio, Adam respectu Abel, Abraham

respectu Isaac, Isaac respectu Jacob, David respectu Salomonis, &c. Sunt tertio modo patres eorum, idest carnales & naturales simul: Carnales, quia ex eorum carne decisi: naturales quia ex actione naturali progeniti. Quarto modo, Heli fuit Pater Divi Josephi, id est legalis ex Deuteronomii lege c. 25. ut ostendimus supra Parte i. Tract. 2.

Prima Paternitas ut pote Divina, infinita est, incomprehensibilis & extra omnem ordinem, sicut Deus, consequenter & extra omnem comparationem. Quare hâc omisâ ad alias tres progrediamur ut ex collatione Paternitatis Divi Josephi cum his, illius magnitudinem colligere possimus: illud tamen ante observatum velim, quod ut prima paternitas singularis est, & sine exemplo, sic & Paternitas Divi Josephi: multi enim patres carnales & non naturales, tales omnes Christi Progenitores à Divo Matthæo usque ad Abraham, & à Diyo Lucâ ab Abraham usque ad Adam recensiti: multi & sine numero carnales & naturales simul: multi legales: Solus Pater Aeternus Pater naturalis & non carnalis, solus item Divus Josephus Pater in suo genere.

SECTIO PRIMA.

*C*omparatur cum Paternitate Legali.

Legal Paternitatis, quam supra III. descriptissimus, veritas patet primò ex efficacitate voluntatis Divinæ, quâ quodcumque vult, est: cum ergo tales voluerit esse patres lege à se latâ, verè sunt patres, quidquid nobis contrarium videri possit, hincque intellectus captivandus, & supercilia dejicienda. Pater secundò, ex ipsis verbis legis Deuteronomii cap. 25, verl. 5, ubi sic habetur. *Quando habitaverint fratres simul, & unus ex eis absque liberis mortuus fuerit, uxor defuncti non nubet alteri, sed accipiet eam frater ejus, & suscitabit semen fratris sui, & primogenitum ex eâ filium nomine illius appellabit, ut non deleatur nomen ejus ex Israel.* Ubi notandum quod dum defuncto taliter à fratre

fratre ejus superstite filius gignitur, non tantum dicitur filius defuncto suscipitari, sed etiam *semen* ipsius, quo quid fortius ad exprimendam hujus Paternitatis veritatem proferri potuit, non video.

IV. Tanta portò fuit ista paternitas, ut licet naturalis absolutè loquendo hāc potior esset. Pater enim qui genuit ex se & pro se filium est strictius & perfectius pater, quam si ille qui non genuit, sed ab alio pro se ex Dei lege genitum accepit, qualis est pater legalis: illa tamen naturalis in particulari ex quā eriebatur in comparatione hujus ferè nulla censebatur: unde filius ita genitus non reputabatur illius qui cum generat, sed omnino fiebat illius pro quo fuerat genitus. Unde de Divo nostro Josepho, qui fuit hoc modo filius Heli pro eo quod Matthæus dixit, *Iacob autem genuit Joseph virum Mariæ, Lucas dicit, Joseph qui fuit Heli.*

Tanta erat, ut si talis Pater legalis postea forte vitæ restitutus fuisset huic filio suo legali obstractus fuisset, ac si ipse mecum genuisset, non verò Pater naturalis, & vicissim filius patri isti ac si ab eo genitus fuisset, non verò Patri naturali; hicque filius, dato quod ille iste pater legalis redivivus alias proles procreasset, inter illas ipse Principatum omnino tanquam primogenitus obtinueret, & ita de reliquis. Ex quibus patet ad oculum quām stricta fuerit hāc Paternitas.

VI. Paternitas tamen Divi Josephi ad Christum omnino strictior est & perfectior, strictius inter ipsum & Christum vinculum, strictiores ex hoc vinculo utrumque obligationes, jura, effectus: ita Divus Justinus Philoponus & Martyr quæst. 66. ad orthod. ubi sic fatur: *Si quod natum est ex Heli filius est Heli secundum legem Dei, multò magis ex uxore Josephi, Deo ita volente filius est Josephi circa conjugalem congressum.*

Ratio hujus rei est manifesta, Nam primò efficacia divinæ voluntatis quæ dum ab æterno voluit esse Patrem, non est minor, imò potior, certo certius quam in Paternitate ista legali. Secundo, Filius Legalis erat fructus conjugii alieni, Christus verò erat fructus Conjugii proprii Divi Josephi,

Tertiò, quia filius legalis cum patre legali habebat aliud patrem, scilicet naturalem, seu eum qui se genuerat, adeoque inter illos duos patres aliquando dividebatur affectus, et si pars potior deberetur patri legali, ut jamjam diximus, non item hic. Christus enim ut homo, nullum alium habuit Patrem quam Divum Josephum. Quartò, major est, strictior & intimior inter Deum & hominem unio, quando unus pro altero agit seu generat quam sit inter hominem & hominem. Denique, quia hec Divi Josephi Paternitas habuit omnes suas sequelas, non sic legalis: amorem scilicet, curam, follicitudinem, vigiliam, & labores, ex quibus non parù crescit & augetur amor & obligatio filii erga patrem. Ex quibus omnibus resultat vinculum hujus Paternitatis Divi Josephi, undique strictius esse vinculo legalis Paternitatis.

SECTIO II.

Comparatur cum Paternitate carnali mediata proximiori, Parentum scilicet Beatae Virginis.

Dico contra P. Joannem Baptistam de Poza è Societate Jesu in Eudicario Deipara lib. 2, tract. 10. cap. 6. Divi Josephi Paternitatem ad Christum strictiore fuisse quam Paternitate carnali mediata, id est fuisse strictius vinculum Christi ad Josephum, & Josephi ad Christum, strictiores utriusque ad invicem obligationes ratione istius Paternitatis & Filiationis quam inter eundem Christum & suos Progenitores carnales, etiam Ayum & Aviam, Divum Joachimum & Sanctam Annam Virginis Parentes. Probatur efficacissime ex dictis precedentibus Sectione: quia Paternitas legalis strictius ligabat filium ad patrem legalem & reciprocè, quam paternitas naturalis ex qua eriebatur, ergo & strictius ligabat eundem filium ad eundem patrem legalem & reciprocè, quam quævis filium carnalem ad suum Ayum & Aviam:

Yy 2

Atqui

356 Synopsis Magnalium D. Josephi,

- S. J. M. A.
- IX:
- Atqui hæc Divi Josephi paternitas longè superat istam legalem, ut dictum est, ergo & hanc paternitatem carnalem mediatam Avorum, Divorum dicto Joachimi & Annæ.
- X:
- Probatur secundò, Generatio Christi in Sanctissimâ Virgine Uxore Divi Josephi ipsi indivisibiliter conjunctâ, & cum ipso jure Conjugii unâ à Spiritu Sancto supplente in eâ vices ejusdem Divi Josephi, modo à nobis dicto, pertinuit magis ad Divum Josephum quam ad Avos, Annam & Joachimum, & ob hanc magis illi tenebatur Joseph, magis ei obligabatur & subiectebatur Christus, quam Avo & Avia quilibet nepos ut constat, ergo strictior fuit Paternitas Divi Josephi, illorum Paternitate.
- Objicies cum Pozâ citato, Divus Josephus solo nomine & ministerio Patris gaudebat, quod multis erat commune, ut Ægypti Pro-Regi Josepho respectu Pharaonis, Genes. cap. 45. Hiramo respectu Regis Tyriorum & Salomonis 2. Paralip. c. 2. v. 23. & cap. 4. vers. 16. Ulpiano Jurisperito respectu Imperatoris. At Joachimus & Anna veræ integræ causæ Mariæ, ac proinde Jesu, graviori munere fungebantur. Respondeo primò, D. Josephum non solum nomine, sed verè & reapie fuisse Christi Patrem supra dicta: indigna est ergo ne dicam injuria Patris Pozæ comparatio paternitatis Divi Josephi, cum Paternitate Ulpiani Jurisconsulti respectu Imperatoris, Josephi Ægypti Pro-Regis respectu Pharaonis, &c. Respondeo secundò, Avum & Aviam non posse dici propriæ causas Christi, quia certum est non fuisse causas cause reduplicative, sed specificative tantum: quia licet fuerint causæ Virginis, hanc tamen non applicerunt aut moverunt ad causandum Christum, ut possint dici causa causæ Christi reduplicative, & ideo impropriæ tantum dicuntur causæ Christi Domini: quis autem non videat illa qua à nobis haec tenus in Divi Josephi paternitate observata, & tam multis repetita, longè prævalere huic divorum Joachimi & Annæ Christi Avorum mediatæ & impropriæ causalitatæ: Respondeo tertio, Paternitas
- legalis tanta erat, ut strictius ligaret Patrem ad filium & reciprocè quam illa naturalis immediata ex quâ oriebatur, quid mirum ergo si paternitatem Divi Josephi, quæ legalem longè superabat, huic mediatæ avorum paternitati præferendam esse dicamus?
- Objicies secundò, cum codem P. Po-
zâ, dignitas D. Josephi ab electione est
& non à naturâ, parentum vero Deipara-
ræ dignitas à naturâ, gratiâ & divinâ
pendet electione: altior autem est na-
turæ simul & gratiæ nexus, quam gra-
tiæ solius; ergo, &c. Respondeo pri-
mò ad minorem, si gratia & electio
illius in quo non est naturæ nexus
multum superet gratiam & electio-
nem illius in quo est uterque nexus,
ut in nostro casu, falsa est minor: Et
certè quis dicet omnes Christi consan-
guineos qui fuerunt Sancti, in quibus
proinde fuit simul naturæ & gratiæ
nexus: naturæ, ratione consanguini-
tatis: gratiæ & electionis, ratione san-
ctitatis: quis, inquam, dicat hos om-
nes præstissime omnibus aliis Sanctis in
quibus non fuit nisi gratiæ nexus? Quis
dicet Zachariam, Elizabetham, Ze-
bedæum, Simeonem, Cleopham, &
alios ac alias, qui vel quæ fuerunt Chri-
sti consanguinei aut consanguineæ, &
Sancti aut Sanctæ, palmas præcipuisse
Sanctis Petro, Paulo, Andreæ, & aliis
Apostolis qui non fuerunt Christi
consanguinei? Nullus: at quis indu-
bitum revocare possit gratiam Divi Josephi
quâ in se & directè electus est ad
esse Patris I. a. s. u., modo à nobis expli-
cato; & quâ in tempore hæc electio
executioni demandata est, scilicet
per supplationem actionis ejus à Spi-
ritu sancto in uxore suâ, & ex intentio-
ne supplendi vices ejus & faciendi ip-
sum Patrem I. e. s. u., præstantiorem esse
gratiâ & electione, quâ Joachim &
Anna electi sunt indirecè & in alio ut
essent Avi Christi? Respondeo secun-
dò, esto in Divo Josepho non surerit
nexus naturæ formaliter, quia non ge-
nuit Christum, fuit tamen reductive,
quia scilicet nexus illius ad Christum,
tanquam ad filium, reducitur ad natu-
ræ nenum, quandoquidem iste filius in
suâ uxore jure matrimonii secum unâ
per actionem Spiritus Sancti suæ sup-
pletivam



pletivam genitus est, dicente Divo Paschalio lib. 2. in Matth. ad illa verba Noli timere accipere Mariam Conjugem tuam. *Ad Ioseph juxta carnem pertinet ortus Christi.* Et ideo D. Lucas eum non tantum Christi dicat Patrem, sed etiam Parentem. *Cum inducerent puerum IESVM parentes ejus in templum.* Hocque voluit, atque isto modo explicandus est Divus Ephr. à nobis hic supra Capite præcedenti num. 5. citatus, ubi hæc habet. *Nos crebro Patres nuncupamus non quidem Genitores, verum senio conspicuos.* Porro ipsi Ioseph natura appellationem indidit. Nota istud natura: certò non natura formaliter, sed reductivè. Praefata ergo undequaque Iosephi Paternitas Paternitati Avorum.

XII. Objicies tertio ex codem Pozâ, magis est domesticus Christi Joachim & Anna quam Iosephus, ergo Christo major illorum cura quam hujus, consequenter amor & beneficia, ait enim Apostolus 1. ad Timothœum cap. 5. *Si quis sacerdotum maximè domesticorum curam non habet, fidem negavit, & est insidelis deterior.* Respondeo negando antecedens, nam Divus Iosephus cum Beata Virgine uxore suâ & Christo Domino, unam componebat familiam in i terris, & scriptum est. *Relinquet homo Patrem suum & Matrem suam & adhaerabit uxori sue.* Et reciprocè, ut scilicet illis relicitis individuam inter se societatem incant: quod si per magis domesticum intelligi velit Poza majorem sanguinis nexum, repetitio est præcedentis objectionis.

XIII. Objicies quartò ex Divo Augustino lib. de decem Chordis. *Ad Parentes suos homo aperit oculos suos, & haec vita ab eorum amicitia sumit exordium.* Idest inquit P. Poza, nulla est antiquior amicitia quam parentum, ac proinde nulla prius compensanda. Necdum ulli hominum placebamus quando majori charitate à parentibus diligebamus. Ergo cùm obligatio Mariæ in Josephum recentior esset, & cùm hic per sanctum Connubium beneficium acciperet, nondaret, præponenda est dignitas Joachim & Annæ, ut pote quorum amicitia ad Mariam fuit antiquior. Respondeo, P. Poza sui imme-

mori transit ad aliam quæstionem: nam quæstio est quānam sit strictior obligatio Christi ad Josephum tanquam Patrem, an ad Divum Joachimum & Sanctam Annam tanquam Avos? In hæc autem objectione aliud agit: resolvit enim strictiorem fuisse Diva Virginis obligationem ad Divum Joachimum & Sanctam Annam tanquam ad Parentes, quam ad Divum Josephum tanquam sponsum. Respondeo secundò, loquitur Divus Augustinus de parentibus immediatis, qui soli sunt propriè parentes: *Cum ergo Divus Iosephus locutus teneat immediati Parentis ex Dei voluntate & electione directâ, &c.* ita ut etiam à Divo Lucâ Paren dicatur; ad illum ut Patrem prius Christus aperuerit oculos, ipsius vita ab hujus & Virginis amicitia & curâ dependet primariò, ideo sequitur ex mente Divi Augustini citati, id quod intendimus, scilicet nullam Christo antiquiorem amicitiam, quam Parentum suorum Mariæ & Iosephi.

Objicies ultimò ex Divo Thomâ 2. 2. quæst. 26. art. 8. in corp. *Coniunctio naturalis originis major est quāvis aliâ conjunctione, quia coniunctio naturalis est immobilis, & secundum id quod pertinet ad substantiam, aliæ autem sunt supervenientes, & removeri possunt.* Sed coniunctio Sanctorum Joachimi & Anna ad Christum est originis naturalis, non verò Divi Iosephi; ergo illa hæc major & præstantior: unde sequitur quod cùm ibidem doceat Angelicus Doctor eos à nobis magis dilectos, qui nobismagis coniuncti sunt, Sanctos Joachim & Annam ut magis coniunctos Christo, quam sit Divus Iosephus, ab eo etiam magis dilectos fuisse. Respondeo Angelicum Doctorem solum facere comparationem inter conjunctiones ordinarias & communes inter homines, inter quas cōjunctione qua est naturalis originis, ut Patris, Matris, Fratris, Sororis, &c. præferenda est, quia est immobilis, & secundum id quod pertinet ad substantiam: cùm aliæ, qualis est Amici, Benefactoris, Vicini, Concivis, Commilitonis, &c. superveniant & removeri possint. Quare nego absolutè quilibet conjunctionem naturalem v. c. Avi, Aviæ, Fratris,

358 Synopsis Magnalium D. Josephi,

Fratris, Sororis, Cognati, esse majorem quāvis aliā quā non fundatur in tali origine: Nam ex dictis constat Paternitatem legalem Deuteronomii fuisse his præstantiorem, cùm & ipsa naturalis paternitas immediata, ex quā oriebatur, ei cederet: Cùm ergò Divi Josephi Paternitas longè stricior sit paternitate illā legali, consequenter stricior fuit coniunctione Avi ad Nepotem, &c. Et hujus rei ratio est, quia licet coniunctio paternitatis legalis, aut Paternitatis Divi Josephi non sint formaliter naturalis originis primæ classis, ad illam tamen reducuntur, sunt immobiles, maximè verò Divi Josephi Paternitas: quare de hac sicut de illā servatā proportione argumentandum & judicandum.

SECTIO III.

Comparatur cum Paternitate naturali & carnali immediata.

XV. Sanctus Pater Augustinus omnium Ecclesiæ Doctorum Apex, in omnibus quæ versat eximius, in prosequendis Divi nostri Josephi Magnalibus nulli secundus, imò inter omnes certissimum præcipius; sed in explicanda hac ejus ad Christum singulari Paternitate, tanquam omnium Prærogativum & Gratiarum ejus perenni fonte, singularis & omnino admirandus, ita hanc ejus paternitatem elevat, ut non tantum eum verè ac verissimè Patrem JESU afferat, sed quod me & alios etiam Doctissimos tenet attinatos, firmius & perfectius velit Patrem, quam sint patres naturales ordinarii, patres filiorum quos ex se generunt: Quod quidem assertum quia à tanto Doctore (quem cùm totâ Ecclesiâ & Scholâ præ omnibus suspicio & suscipio;) profectum & nullatenus retractatum, imò sàpius repetitum video, ultro & animitus amplector, eò vel maximè, quod cùm illud veritate niti videam, tam eximiè faciat ad Sanctissimi hujus Domini & Salvatoris mei JESU in terris Patris magnitudinem & lau-

dem (quarum ego ingenter avidus sum) ut ad illud nihil addi possit ultra, & nihil sint ea quæ haec tenus dixerunt: istius Sancti Encomiastes, si cum hoc quæ de eo hic Augustissimus Doctor protulit elogio comparentur.

Sed quia res hac nonnullis dura vi-detur & valde difficilis; idèo non obiter & cursim transeunda, sed cum otio & maturè examinanda: quare illam ad duo Capita sequentia recessimus, in quorum priore sensum Divi Augustini de hac Paternitate singulare & admirabili detegemus; in sequenti pro hoc ejus sensu dimicabimus.

C A P U T XVII.

Sensus Divi Augustini de hac Divi Josephi singulare Paternitate.

PLURIBUS in locis suorum Operum Divus Augustinus totus est in commendatione Divi Josephi, ut proinde nullatenus dubitare possim cum ipsi inter omnes Ecclesiæ Patres fuisse devotissimum: quis enim credat in eo tantam lucem fuisse sterilem? tantam Santitatis & Potestatis Divi Josephi cognitio. nem fuisse sine affectu & devotione? Sed nullibi tam præclarè, tam eximiè ille Sanctus Doctor de eo differuit ut tomo 10. de divers. serm. 63. de Consonant. Evangelist. Matthæi & Lucæ in viginti quatuor capita distincto, ubi mirificè materiam de ejus ad Christum Paternitate prosequitur: & tantis ejus veritatem adstruit ut cuique hujus Sanctissimi Patris JESU devoto affatim sufficere possit.

Tria itaque quoad hoc exequitur ibi Augustissimus Doctor. Primo quidem cum verè fuisse Christi Patrem afferit, nonobstante quod cum Beatâ Virgine Deiparâ non concubuerit, nec per consequens ad generationem Christi ullo modo effectivè concurferit. Secundo, docet non tantum fuisse verè illius Patrem, sed etiam non minùs verè quam sint patres illi qui hodie ex concubitu generant. Tertiò, tandem gradatim semper